

Isumaginninnermut Naalakkersuisoq  
Medlem af Naalakkersuisut for Sociale Anliggender

Inatsisartunut Ilaasortaq Andreas Uldum, Demokraterne



## Inatsisartut suleriaasissaanni § 36 malillugu apeqquteqaammut akissut

Apeqquutigisannut qujanaq.

Naalakkersuisut – Demokratikkutuulli – saaffissamik pilersitsisoqarnissaa tapersornartippaat – assersuutigalugu meeqqat ombudsmandiannik imaluunniit siunnersuisarfimmik pilersitsinikkut – meeqqat inuusuttullu soqutigisaannik oqariartuutaannillu isumaginnissinnaasumik.

Isumaqarpungali, taamatut ittumik pilersitsinnginnermi, misissuinerit allat ingerlateqqaartariaqartut. Ilaatigut – siunnersuutip aningaasatigut kingunerisinnaasai eqqarsaatigalugit – erseqqissarlugulu, suliassat suut suliffeqarfiit allat suliarinngisaat meeqqat ombudsmandiata suliarisassanera: Suliassaqarfiit arlallit, meeqqat ombudsmandiata ataani inissisimasussatut, Demokratinit takorloorneqartut, MIPI-p isumagisarereerpai.

Taamaalilluni MIPI meeqqat inuusuttullu atugarisaannut malinnaavoq, ilisimalikkanik katersilluni, inuiaqatigiittut meerartatsinnut, inuusuttatsinnut ilaqtariinnullu atungassarititaasut pillugit oqallitsitsisaruni, kiisalu ukiumoortumik meeqqat inuusuttullu atugarisaat pillugit naqitanngorlugu nalunaarusiortaruni.

Maannakkut atungassarititaasut killeqartillugit, aningaasaqarnikkut soorluutaaq aamma sulisoqarnikkut tunngasutigut, isumaqarpunga pingaartuusooq, suliniutareersut qalliinnarlugit nutaanik iliuuseqannginnissaq pingaaruteqartoq.

Kisianni siunnersuutigineqartup ilaa, tassalu Naalakkersuisunut siunnersuisartutut atuuffeqarnissaanut tunngasortaa taperserpara; qularnaaqqaarusulluguli, meeqqat ombudsmandiat suliamik tigusissappat taamatut ataqatigiissarineq pitsaanerpaajunersooq.

Ilaatigut qulaani ajornartorsiutaasinnaasut qulaajaaffigerusullugit, nassuiaasiortoqarnissaa sulissutigerusuppara, iliuusissanut aalajangersimasunut tunngavilersuutitut atugassamik.

22. september 2009  
Sags nr.  
2009-019811  
Dok.nr. 230054

Postboks 260  
3900 Nuuk  
Tlf. (+299) 34 50 00  
Fax (+299) 32 55 05  
E-mail: in@gh.gl

Ilutigitillugu aamma meeqqanut inuusuttunullu suliassaqaqarfinnik ilusilersuininni, suliap matuma ataatsimoorussamik pilersaarusiornermut ilaatinneqarnissaa siunertaavoq.

Siunertamut tamatumunnga aammattaaq aqutsisoqatigiinnik suleqatigiissitaliaqartumik pilersitsisoqarpoq, oktoberip 1-ni naqitanngorlugit innersuusiaminnik uannut tunniussisussat. Aqutsisoqatigiinni suleqatigiissitamilu issiasut peqatigiiffinneersunit ilinniarsimasunillu inuttaqartiterput.

Inussiarnersumik inuulluaqqusilluta  
Med venlig hilsen

Maliina Abelsen  
Isumaginninnermut Naalakkersuisoq